



साःगु भिंगु मरिचरिया नितिं लुमंका दिसै !

लक्ष्मण गजमाल /चिलिमि'
प्रोप्राइटर

लाखा छै
LAKHA CHHEN

सोहखुटे, वडा नं. १६, येँ, फोन नं.: ४५६०७५८

संसद पुनर्स्थापनाय् एमाले याकःचा मुद्दा तयेगु वा मतयेगु खँय् अलमल

लहना वाःपौ/ जेनजी आन्दोलन लिपा नीस्वंगु अन्तरिम सरकार वइगु फागुन २१ गते घोषणा याःगु निर्वाचनय् फुक्कं धयाथेँ राजनीतिक पार्टीतय्सं ब्वति काइगु जूगु दुसा नेकपा एमाले धाःसा निर्वाचनय् ब्वति कायेगु वा मकायेगु धइगु निर्णय याये फयाच्वंगु मदु ।

नेकपा एमाले प्रतिनिधिसभा पुनर्स्थापना यायेगु नितिं सर्वोच्च अदालतय् मुद्दा तयेत नेपाली कांग्रेसया केन्द्रीय समितिया बैठकया निर्णय पियाच्वंगु खःसा नेपाली कांग्रेस पुनर्स्थापनाय् मवसेँ निर्वाचनय् वनेगु निर्णय यायेवं संसद पुनर्स्थापना मुद्दाय् एमाले याकःचा लाःगु खः ।

संसद पुनर्स्थापनाय् कांग्रेसया सकारात्मक निर्णय वइगु आशा यासेँ वंगु आइतवाः हे सर्वोच्चय् मुद्दा तयेगु धकाः धाःगु खः ।

तर नेकपा एमाले यानाच्वंगु आशाया अःखः कांग्रेसया निर्णय वयेवं सर्वोच्चय् मुद्दा तयेगु वा मतयेगु धइगु निर्णय यायेत थाकुइगु अवस्था वःगु दु । फुक्कं दल निर्वाचनय् ब्वति कायेगु निर्णय यायेधुंकाः यदि एमाले सर्वोच्चय् मुद्दा तलधाःसां नं थःपिनिगु



पक्षय् निर्णय वइगु सम्भावना म्हो जक जुइगु जूगुलिं आः एमाले नं निर्वाचनय् वनेगु धइगु सम्भावना दुगु खँ एमाले सूत्रं धाःगु दु ।

सूत्रया कथं फुक्कं पार्टी छथाय् च्वनाः निर्वाचन धायेधुंकूगु अवस्थाय् एमाले याकःचा जक मुद्दा तल धाःसा उकिया लिव्वः सकारात्मक वइगु सम्भावना म्हो जक दु ।

अथेजुयाः आः याकनं हे एमाले नं मुद्दा तयेगु पलेसा निर्वाचनय् वनेगु निर्णय यायेफइगु सम्भावना अप्वः दु ।

जेनजी आन्दोलन लिपा आलोचनाया शिखरय् थ्यनाच्वंगु एमाले आः वयाः प्रतिनिधिसभा पुनर्स्थापना यायेमाःगु माग ज्वनाः सर्वोच्च अदालत वन धाःसा अभ्र अप्वः आलोचित जुइफइगु खँयात

कयाः एमालेया नेता कार्यकर्तातय्सं अध्यक्ष ओलीयात ध्वाथुकेगु तयारी यानाच्वंगु दु ।

एमालेय् स्थापित नेतातय्सं अज्याःगु कुतः यानाच्वंगु खँ नं सूत्रं धाःगु दु ।

फागुन २१ गते जुइगु निर्वाचनया नितिं नेपाःया फुक्कं धयाथेँ राजनीतिक

ल्यं ७ पेजय्

प्रमया स्वकीयसचिवया राजीनामा फ्वन



प्रधानमन्त्री सुशीला कार्कीया प्रमुख स्वकीय सचिव आदर्शकुमार श्रेष्ठ थः छैजःपिंत जागिर नक्कू विषययात कयाः नेपाल जेनजी फ्रन्ट आपति प्वंकू दु । फ्रन्ट प्रधानमन्त्री कार्कीयात प्रमुख स्वकीय सचिव श्रेष्ठयात पदमुक्त यानाः वय्कलं याःगु नियुक्ति खारेज यायेमाः धासेँ न्यागू बुँदाया माग नं न्ह्यब्वःगु दु ।

फ्रन्ट याःगु माग पतिइ धयातःगु दु, 'सुशासन व जवाफदेहीताया नाराया बलय् नीस्वंगु सरकार हाकनं नातावाद व कृपावादय् आधारित नियुक्त गुकथं सम्भव जुल ? थ्व सम्बन्धय् प्रधानमन्त्री कार्यालयपाखे तत्काल स्पष्टीकरण सहित सत्यतथ्य जानकारी माग यानाच्चना ।' प्रधानमन्त्रीया स्वकीय सचिव श्रेष्ठ थः जहान संगीता श्रेष्ठयात सहसचिव सरह स्वकीय सहसचिव दयेकूगु दु । उकथं हे थःथिति कमला श्रेष्ठ नं स्वकीय सहसचिवय् नियुक्त जूगु दु । वय्कःपिं निम्ह छहुं हे असोज २ गते उगु पदय् नियुक्त जूगु खः । उकथं हे नासु सरहया प्रशासन सहायकय् पुनम श्रेष्ठ व रविना श्रेष्ठ नं उगु हे निहं नियुक्त जूगु खः ।

नेपालभाषा मंकाः खलः यल महेन्द्रलाल महर्जनया नेतृत्व



लहना वाःपौ/ नेपालभाषा मंकाः खलः यलया नायलय् महेन्द्रलाल महर्जन निर्वाचित जुयादीगु दु ।

मंकाः खलः यलया भिन्ध्यक्वःगु तःमुँज्याया इवलय् वंगु शनिवाः जूगु निर्वाचनय् निर्वाचित जुयादीमह महेन्द्रलाल महर्जन ३७६ मत हयादीगु खःसा वय्कःया निकटतम प्रतिद्वन्दी बाबुराजा महर्जन ३७३ मत कयादीगु खः ।

मंकाः खलः यलया न्हूगु

ज्यासना पुचःया मिसा दुजलय् निर्वाचित जुयादीमह फरिन्दा महर्जन दकलय् अप्वः मत कयादीगु दु ।

निम्ह मिसा दुजः पदया नितिं जूगु निर्वाचनय् फरिन्दा ४५८ मत कयादीगु खःसा मेम्ह मिसा दुजः रमना महर्जन वज्राचार्य ४०९ मत कयाः निर्वाचित जुयादीगु खः ।

उकथं हे गुम्ह दुजःया नितिं जूगु निर्वाचनय् विनोद महर्जन दकलय् अप्वः ४४३ मत कयाः

ल्यं ७ पेजय्

कृतज्ञता प्वंकाच्चवना

नेपालभाषा मंकाः खलः यलया भिन्ध्यक्वःगु तःमुँज्याय् थःगु अमूल्य मत बियाः न्हूगु ज्यासना पुचः ल्यज्या यायेत मूवंगु योगदान बियादीपिं, तःमुँज्या ताःलाकेत थःथःगु ख्यलं माः कथंया सल्लाह सुभनाव व तिबः बियाः ग्वाहालि यानादीपिं सकल हनेबहःपिंत दुनुगलंनिसेँ सुभाय् देघ्वासेँ लिपा लिपा नं थुकथं हे ग्वाहालि यानादी धइगु भलसा कासेँ कृतज्ञता प्वंकाच्चवना ।

नायः

महेन्द्रलाल महर्जन

दुजःपिं

फरिन्दा महर्जन
प्रेम महर्जन (चिरी)
रविन्द्र बाराही

रमना महर्जन वज्राचार्य
राजेन्द्र महर्जन
न्हुछेमान महर्जन (कपूर)
बेखारत्न महर्जन

विनोद महर्जन
राजु तामाकार
उकुलाल महर्जन
प्रतिन महर्जन



नेपालभाषा मंकाः खलः यल

त्यागः, यल



नेवाः राष्ट्रिय म्ये

चमि : दुर्गालाल श्रेष्ठ लय् चिनामि : तिर्थ माली

धुन देने धुन सँन्त्यलं भी फुक्कं हे छम्ह जुइ धुन
भीगु लागाय् भी स्वयं हे जः जुया धुन लुइ धुन
ह्यांगु भुमिइ अष्टमण्डल ह्यांगु चाः दुने थी नगु
भीगु नेवाः ध्वाँय् थ्व हे खः ज्यान भी सकस्यां छगू
जातितय् स्वायत्त राज्यं लुइ कपं च्वय् फिलिमिलिं
राष्ट्र भःभः धाय्क न्ह्याके भीगु चःतिं भीगु हिं

सम्पादकीय



त्रिविया जग्गा याकनं लित कायेमाल

त्रिभुवन विश्वविद्यालयया कुलपति नापं प्रधानमन्त्री सुशीला कार्की व प्यम्ह मन्त्रीतय्सं सरकारी निकाय न भोगचलन लित बीमज्यु धकाः धाःगु दु । सरकारया थुगु धापूति त्रिवि अजू चाःगु दु । दकलय् अप्वः जग्गा कयातःगु निकाय सरकार हे खः । त्रिवि जक करिब ५ हजार रोपनी जग्गा दु । उकिइ मध्ये करिब २ हजार ५ सय रोपनी जग्गा थीथी निकाय नं कब्जा यानातःगु दु । सरकारी निकाय व क्रिकेट एसोसिएसन नेपाल (क्यान) जक ७ सय रोपनी स्वयां अप्वः जग्गा कब्जा यानातःगु दु । उगु जग्गा लित कायेगु निंतिं प्रधानमन्त्री नाप कुलपतिं यक्व कुतः यायेमाःगुलि सरकारी जग्गाया विषय कारबाही मयायेत निर्देशन बीवं त्रिवि समस्याय् लाःगु दु ।

त्रिविया जग्गा खोजबिन आयोगया प्रतिवेदन कथं त्रिविया पदाधिकारी व कर्मचारी मिले जुयाः २ हजार रोपनी स्वयां अप्वः जग्गा निजी निसं धार्मिक संस्था यानाः भिन्च्यागू संघसंस्थां जग्गा छ्याला वयाच्चंगु दु । त्रिविया जग्गा आःतक १ हजार ५ सय रोपनी संस्थातय्स कयातःगु दु । ३ हजार ६ सय १२ रोपनी जग्गाया लालपुर्जा त्रिवियाके दु । उकि मध्ये त्रिविं २ हजार ५ सय रोपनी जग्गा जक भोगचलन यानाच्चंगु दु । स्वनिगलय् जक किपू, किपू स्वयां पिने डिल्लीबजार, त्रिपुरेश्वर, वसन्तपू, न्हूगु नैकाप, लुभुइ यानाः सचिछ्गू रोपनी जग्गा त्रिविया नामय् दु । त्रिविया पूर्वपदाधिकारीतय्स थीथी इलय् त्रिविया जग्गा सरकारी निकाययात बीगु याःगु खः ।

उपकुलपति अध्यक्ष जुइगु त्रिवि कार्यकारी परिषदया बैठकं त्रिविया जग्गा सरकारी निकाययात बीगु निर्णय याःगु खः । त्रिविया जग्गा सरकारी निकाययात बीगु निर्णय याःपिं पुलांपिं पदाधिकारीतय्स कारबाही यायेगु कि मयायेगु ? सरकारी जग्गा लितः काये मखु धइगु विषयया बहस नं शुरु जूगु दु । स्वयेगु खःसा त्रिवियात सरकारी निकायया छगू ब्वः धकाः धायेगु याःसां कानुनं त्रिवि सरकारी निकाय माने यानाच्चंगु धाःसा मदु । त्रिवि स्वायत्त निकाय कथं कायेगु याइ । सरकारी निकाय नं भीगु हे सम्पत्ति खः धकाः धाःसां त्रिविया जग्गा ब्वथलेगु धाःसा गुकथं न पाय्छि जुइ मखु ।

त्रिविया तथ्यांक स्वयेगु खःसा बीपी प्लानेटोरियम नाप अब्जरभेटरिं १५० रोपनी, कृषि बागबानी केन्द्रं २८१ रोपनी १४ आना, खानेपानी संस्थानं १८ रोपनी, काठमाडौं उपत्यका खानेपानी बोर्ड न २४ रोपनी, आयुर्वेद अनुसन्धान केन्द्रं ३० रोपनी, महानगरीय प्रहरी वृत्त कीर्तिपुरं ४ रोपनी, नेपाल बैंक कीर्तिपुरं ६ आना, महानगरीय प्रहरी वृत्त कालिमाटीं १ रोपनी, नेपाल क्रिकेट संघ (क्यान) ७८ रोपनी, गणतन्त्र स्तम्भया निंतिं ६० रोपनी, आविष्कार केन्द्रं करिब ७ रोपनी जग्गा भोगचलन यानाच्चंगु दु ।

त्रिवि बाराया इन्डो नेपाल कटन मिल दूगु थासय् ६३ बिघा जग्गा थःगु नामय् न्याःगु खः । लिपा उगु जग्गा ३२ लाख सूर्य टोबाकोयात मिउगु रेकर्ड दु । थथे स्वयेगु खःसा त्रिविया जग्गाय् यक्को मोज यानाच्चंगु सरकारी निकाय हे खः । उकिइ उगु सरकारी निकायया जग्गा याकन लित कायेगु कुतः यायेमाः ।

निर्वाचन व नेवाः सवाल



सहयोग रंजित

जेनजी आन्दोलन लिपा अन्तरिम सरकारयात चुनावी म्यान्डेट बियाः राज्य सञ्चालन यायेधुंकाः देशय् आः निर्वाचनया वातावरण बने जूगु दु । चुनाव जुइगु वा मजुइगु धइगु दोधारया दथुइ नं छुं राजनीतिक दल बाहेक फुक्कं धयाथें राजनीतिक दल मत फवनेत जनताय् वनेत तयार खनेदु । चुनाव देय्यात लैपु क्यानिगु अपेक्षा याःसां नं आःया हे अवस्थाय् थ्व सम्भव धाःसा खनेमदु ।

चुनावया मिति न्ह्यःने वःसां नं दल, जेनजी व सरकार छथाय् च्वने फयाच्चंगु मदु । उक्तथं हे क्वय्या तहलय् च्वनाच्चपिं व तःदै न्ह्यर्वनिसें अपेक्षित व अधिकारया निंतिं ल्वानाच्चंगु समुदाययात थुगु प्रक्रियाय् दुथ्याकूगु मदु । थुगु निर्वाचन लिपा नं उगु पुचः सक्रिय जुइगु खनेदु । तःदै न्ह्यर्वनिसें राज्यया दमन विरुद्ध सः थ्वयेकाः वयाच्चपिनिगु सः थुगु निर्वाचनं नं पूर्वकी धइगु खँय् शंका दु । उगु हे समुदाय दथुइया छगू समुदाय खः नेवाः ।

नेवाः समुदायया मुद्दात विशेष यानाः स्वनिगः व जःखःया क्षेत्रया सांस्कृतिक, भाषिक व ऐतिहासिक महसिका लिसें दुयंक स्वानाच्चंगु दु । गुगुं नं सरकार थुकियात थुइके फयाच्चंगु मदु । आः नं जेनजी आन्दोलन लिपा निर्वाचनया खँ जुयाच्चंगु इलय् थ्व मुद्दा गौण जूगु दु । नेवाः मुद्दाया केन्द्रबिन्दु थुकिया सांस्कृतिक सम्पदाया संरक्षण खः । आधुनिक सहरीकरण व व्यापारिक स्वार्थया कारणं स्वनिगःया ऐतिहासिक पुखू ल्वहँ हिति, बहाः, बही व परम्परागत वस्तीइ जुयाच्चंगु चिन्ता मू मुद्दा खः । नेवाः समुदायं अभियानया रुपय् तःदै न्ह्यर्वनिसें थ्व विषययात कयाः सः थ्वयेका वयाच्चंगु दु । तर हरेक पटक थ्व मुद्दा चुनावी नाराय् लिक्नुनाच्चंगु दु ।

स्थानीय सरकारं सांस्कृतिक सम्पदा संरक्षण याःथें खनेदुसां नं राज्यस्तर हे उकिया अभिभावकत्व कायेत छाय् आनकानी जुयाच्चंगु दु ? आःया निर्वाचनय् नेवाः समुदायं थ्व मुद्दा ल्ह्वनेमाः । पुलांगु दल जुइमा वा न्ह्यु, जेनजी जुइमा वा बुमर, आः थ्व न्ह्यसःपाखे सुयात नं त्वःतेगु जुइ मखु ।

यँयाः जात्रा, बुंगछः जात्रा लगायत गुलिखें मौलिक जात्रा न्ह्याकेत राज्य माक्वः ग्वाहालि याःगु मदु । सहरी विकासं यानाः जात्राया लैपु व संरचनाय् लिच्चः लाःगु दु । थुकिया बारे नेवाः समुदायं सः थ्वयेकाच्चंगु दु ।

तर राज्य सञ्चालकपिं जात्राय् ब्वति कायेगु बाहेक थुकिया व्यवस्थापनया पक्षय् न्ह्याःवःगु खनेमदु । आः वयाः यँया नेवाः समुदाययात फुक्कं व पुचलं सांस्कृतिक हतियारया रुपय् छ् यलाच्चंगु दु । गन गन दल व दलया अभियान न्ह्याइ अन अन नेवाः बाजं थ्यंगु हे दइ । तर व हे बाजं थाइपिसं सांस्कृतिक अधिकार अधिकार फवंगु खँ धाःसा बाजंया सलय् तनावनी । जेनजी आन्दोलनया लिपांगु अवस्था थ्व स्वयां बिस्कं मजू ।

नेपालभाषा व नेपाल संवत



नेपालभाषाया मौलिक लिपि रञ्जना लिपि लगायत मेगु लिपि संरक्षण व छ्यलेगु खँय् बः बीमाःगु माग न्हूगु माग मखु । तर सरकारं थुकी चिउताः क्यनाच्चंगु मदु । विदेशय् नं थःगु थीथी लिपि सरकारी ज्याखय् छ्यलेगु याय । अज्याःगु लिपि देय् या हे महसिक जुइ । तर बेइजिडया ग्रेटवालय् तक च्वयातःगु रञ्जना लिपियात महसिकेगु मुद्दा सुनां नं चुनावय् ल्ह्वंगु मदु ।

सरकारी व शैक्षिक तहलय् उचित थाय् बीमाःगु माग महत्वपूर्ण खः । सरकारं थुकी धाःसा छुं ज्या याःगु खनेदु । अथे खःसां नं थुकियात छगू समुदायया भाय् व संवतया रुपय् जक प्रचार यानाः थुकिया ऐतिहासिक महत्वयात म्हो यायेगु ज्या जुयाच्चंगु दु । नेपालभाषायात विद्यालयया पाठ यक्रमय् अनिवार्य विषयया रुपय् दुथ्याकेगु ज्यायात छुं विद्यालयं विरोध यानाच्चंगु दु । युवा आन्दोलन लिपा जुइत्यंगु निर्वाचनय् थ्व भाषिक व सांस्कृतिक मुद्दा मल्ह्वनेगु खःसा भाय् संरक्षण थप चुनौतीपूर्ण जुइ ।

नेपालभाषाया मौलिक लिपि रञ्जना लिपि लगायत मेगु लिपि संरक्षण व छ्यलेगु खँय् बः बीमाःगु माग न्हूगु माग मखु । तर सरकारं थुकी चिउताः क्यनाच्चंगु मदु । विदेशय् नं थःगु थीथी लिपि सरकारी ज्याखय् छ् यलेगु याय । अज्याःगु लिपि देय्या हे म्हसिक जुइ । तर बेइजिडया ग्रेटवालय् तक च्वयातःगु रञ्जना लिपियात महसिकेगु मुद्दा सुनां नं चुनावय् ल्ह्वंगु मदु ।

नेपाःया संघीय संरचनाय् नेवाः समुदायया ऐतिहासिक व जनसांख्यिक

उपस्थितियात प्रतिनिधित्व याइगु संरचनाया माग यायेमाःगु ई वयेधुंकूगु दु । स्वनिगःया स्थानीय तहलय् नेवाः समुदायया जनसंख्याया अनुपातय् उचित व प्रभावकारी प्रतिनिधित्व सुनिश्चित मजुगुलिं थुगु समुदायं फयेमाःगु पीडा सुनां मसिउगु मखु । जेनजी आन्दोलन लिपा संविधान संशोधनया मुद्दा नं ल्ह्वनेगु यानाच्चंगु दु । अथेजुयाः थ्व विषयसं ठोस निर्णय यायेमाःगु ई वयेधुंकूगु दु ।

उक्तथं हे गुथि प्रणालीइ बारम्बार आक्रमण जुयाच्चंगु दु । गुथिं जात्रा

पर्व व सम्पदाया संरक्षण यानाच्चंगु दु । तर उकियात राज्य नियन्त्रण वा हस्तक्षेप यायेत स्वयेवं सांस्कृतिक ज्याय् पंगः ब्वलंगु व परम्परागत भूमि स्वामित्वय् खतरा अप्वःगुलिं चिन्ता नं अप्वया वनाच्चु दु ।

स्वनिगःया कृषि भूमि व सार्वजनिक जग्गाय् अनियन्त्रित बसोबास व विकासया नामय् अतिक्रमण जूगुलिं मौलिक कृषि प्रणाली व बस्ती योजना स्यनेधुंकूगु दु ।

विकासया नामय् स्वबासी नेवाःत विस्थापित यायेत चुनावय् नेवाःतय्सं मत कुर्कुगु मखु । तर हरेक सरकारया पालाय् नेवाःतय्गु जग्गा व छँय् डोजक आतंक जारी दु ।

थुगु मुद्दायात नेवाः समुदायया थीथी पुचलं व राजनीतिक दलतय्सं आःया निर्वाचनय् नं महत्व बीगु खनेमदु । तर अथे धकाः आः छँय् छँय भोट फववडीपिं न्ह्यसः न्यनेगु यायेमजिउ । उमित नेवाः संस्कृति, भाषा व इतिहासयात उचित सम्मान बिसें स्थानीय समुदाययात निर्णय प्रक्रियाय् दुथ्याकेत छु यानादी धकाः न्ह्यसः धाःसा न्यने हे माः ।

डा. विधुप्रकाश कायस्थ

निष्कर्ष

नेपालय् सांस्कृतिक संहार व जातीय भेदभाव आदिवासी, जनजाति, दलित व धार्मिक अल्पसंख्यक समुदायया पहिचान व अधिकारयात खतरा लानाच्वंगु दु । दक्षिण एसियाली सन्दर्भय् थ्व समस्या बहुसंख्यकवाद, राष्ट्रवादी नीति व सामाजिक सञ्जालय् घृणा अभिव्यक्ति ब्वलनाच्वंगु दु । नेपाल मातृभाषा शिक्षा प्रवर्द्धन, धार्मिक स्वतन्त्रताया सम्मान, सामाजिक समावेश नीति कार्यान्वयन व घृणा अभिव्यक्तिया विरुद्ध कारबाही यानाः थज्याःगु हाथ्यायात सम्बोधन यायेफइ । नागरिक समाज व अन्तर रिष्ट्रिय समुदायया समर्थन नेपाल व दक्षिण एसिया सांस्कृतिक विविधता धनी समावेशी समाज निर्माण यायेफइ ।



राम प्रजापति
प्रोप्राइटर

हारती मिठाई भण्डार

(बुद्ध शाकाहारी)

कालिमाटी चोक, टंकेश्वर मार्ग, काठमाडौं ।
फोन नं. : ०१-५३७२९९९, मो. ९८०३९८०६९९

यहाँ:- विवाह, व्रतबन्ध, पार्टी, पिकनिक, तथा अन्य शुभ कार्यको लागि अर्डर अनुसार मिठाईहरू तयार गरिन्छ ।



आयो नून खाईं स्वस्थ रहौं





नार्डसन आयो आयो नून यसनो

आयो नून खाईं स्वस्थ रहौं

आयो नून खाईं स्वस्थ रहौं

1. आयो नून खाईं स्वस्थ रहौं
2. आयो नून खाईं स्वस्थ रहौं
3. आयो नून खाईं स्वस्थ रहौं
4. आयो नून खाईं स्वस्थ रहौं
5. आयो नून खाईं स्वस्थ रहौं
6. आयो नून खाईं स्वस्थ रहौं
7. आयो नून खाईं स्वस्थ रहौं
8. आयो नून खाईं स्वस्थ रहौं
9. आयो नून खाईं स्वस्थ रहौं
10. आयो नून खाईं स्वस्थ रहौं

आयो नून खाईं स्वस्थ रहौं

आयो नून खाईं स्वस्थ रहौं

लक्ष्मी

कलश इमेन्ट्या गवसालय् जुयाच्चंगु "नेव


२०८२ मंसिर ९ मंगलवाः



अभिषेक श्रेष्ठ
ह्वाइटफिल्ड स्कूल



एशना महर्जन
टाइम्स इलेमेन्टरी स्कूल



अनोम दर्शी बज्राचार्य
आइडल मोडल स्कूल



अनुशिया मानन्धर
संकरी स्कूल



मेधावी तुलाधर
आरम्भ स्कूल



नेरिश महर्जन
आइडल मोडल स्कूल



निर्भेश श्रेष्ठ
काठमाडौं मोडल स्कूल



निभा महर्जन
तेजस्वी एकाडेमी



समृद्धि महर्जन
संकरी स्कूल



सियोना मानन्धर
नाइटिगेल इन्टरनेशनल सेकेण्डरी स्कूल



उन्नती बज्राचार्य
संकरी स्कूल



उत्सव श्रेष्ठ
द स्काइलार्क इङ्गलिस स्कूल

नेवा: मैचा बौचा" ज्याइतःया त्वतिकाभिपिं



अकिला शाक्य
एन्जेल्स भ्याली मोडल स्कूल



आरज्ञा तुलाधर
आरम्भ स्कूल



अर्दिता महर्जन
टाइम्स इलेमेन्टरी स्कूल



अथर्व प्रधान
संकरी स्कूल



प्रसन्न महर्जन
विश्व निकेटन हाइयर सेकेण्डरी स्कूल



पुवा उर्जा तुलाधर
आरम्भ स्कूल



सदिच्छा महर्जन
संकरी स्कूल



सामना महर्जन
लिटिल एन्जेल्स स्कूल



युभानी महर्जन
आरम्भ स्कूल



जेज्वी यचु श्रेष्ठ
समृद्धि स्कूल



पपस्टार विकेन्डं सांगीतिक टुर



लहना वा:पौ/ पपस्टार विकेन्डं सांगीतिक ख्यलय् न्हूगु इतिहास तःगु दु। सांगीतिक टूर यायेगु भूवल्य 'आफ्टर आवर्स टिल डन' पाखे १ अर्ब अमेरिकी डलर स्वया अप्वः कमे याःगु दु।

सू नं मिजंमह कलाकारया टूरं

५३ गू ज्याभूवल्य आः तक १ अर्ब डलर स्वयां अप्वः कमे याःगु दु। न्हापांगु भ्रमणसन् २०२२ य् न्ह्याकूगु खःसा निकः तक उत्तर अमेरिकाय् याये धुंकूगु दु। युरोप, बेलायत, ल्याटिन अमेरिका व अष्ट्रेलियाय् छकः छकः ज्याइवः यायेधुंकूगु दु। सन् २०२५ य् उत्तर अमेरिकी टूरय् जक ४० गू स्वयां अप्वः शो सोल्ड-आउट जुगु खः।

'आफ्टर आवर्स टिल डन' भ्रमणपाखे, वीकेन्डं एक्सओ मानवीय कोष व ग्लोबल सिटिजनयात ४८.५ मिलियन स्वया अप्वः दान याःगु खः। सन् २०२६ य् वःगु ध्यवां विश्व खाद्य ज्याभूवलं ग्लोबल सिटिजनयात ग्वहालि यायेगु धकाः धाःगु दु। थुगु भ्रमण सन् २०२६ य् मेक्सिको, ब्राजिल, युरोप व बेलायतय् ४० गू स्वयां अप्वः थासय् जुइ।

आर्टिफिसियल इन्टेलिजेन्सय् न्हूगु प्रोजेक्टया घोषणा

लहना वा:पौ/ आर्टिफिसियल इन्टेलिजेन्स च्याटबोट जिपिटी निर्माता कम्पनी ओपन एआईया सिडओ साम अल्टम्यानं न्हूगु प्रोजेक्टय् ध्यान केन्द्रित याःगु दु।

अल्टम्यानं न्हूगु प्रोजेक्टया नां ब्रेन बिउगु दु। रिपोर्टया कथं ओपन एआई नं भचनभरि बदक प्रविधिइ ज्या याइगु, व छगू ब्रेन कम्प्युटर इन्टरफेस खः। थुगु प्रणालीया ज्या मस्तिष्कय् वइगु तरंग व सःयात कैद याइ। थुकिया निती छु नं सर्जरी याये मालिइ मखु।

अल्टम्यानया वइगु प्रोजेक्ट तपिक हलिमय दकलय् अप्वः धनीमह मनू एलन मस्कया न्युरालिंक कम्पनी नाप तक्कर जुइ।

न्युरालिंक न मनूतय्गु न्ह्यपुइ ब्रेन कम्प्युटर इन्टरफेस चिप प्रत्यारोपण याये फइ। न्युरालिंक उगु प्रविधिं सफल परीक्षण याये धुंकूगु दु।



उकिया ग्वाहालिं छ्यालिपित न्ह्यपूइ वइगु तरंग नाप सःया माध्यमपाखे कम्प्युटरय् कर्सर चले याये फइ। तर एलन मस्कया न्युरालिंक चिप मस्तिष्कय् जडान यायेत छ यनय् शल्यक्रिया यायेमाः। वयां लिपा जक चिपसेटयात प्रत्यारोपण याइ।



साम अल्टम्यानं धाःसा छ्यनय् शल्यक्रिया मयासे ब्रेन कम्प्युटर इन्टरफेस छ्यले फइ धकाः दाबी याःगु दु।

द भर्जय् प्रकाशित बुखँ कथं अल्टम्यानं थःगु मर्ज ल्याब्सया नितीं छगू तःधंगु नाप शक्तिशाली टिम तयार याःगु दु।

थुकिइ चर्चित अणु वैज्ञानिक मिखाइल शिपारोया नां नं दुथ्याः। अयन उगु प्रोजेक्टय् शिपारो छु पदय् दु धाःसा धाःगु मुदिन।

लुमंके बहःजू एलन मस्कया न्युरालिंक कम्पनीया ब्रेन चिप थज्याःमह मनूखं तयार याःगु दु, गुम्ह स्वयं हे पक्षघातया पीडित खः।

नोलन अब्बो नांया मनू मस्तिष्कय् न्हापांखुसी सफलतापूर्वक न्युरालिंक चिप जडान याःगु खः। उम्ह मनू पक्षघातपाखे पीडितम्ह खः। गःपतय् स्वयां क्वय्या भागयात नियन्त्रण याये फइ मखु।

अज्याम्हेसित न्युरालिंक मस्तिष्क चिप वयागु नितीं तसकं उपयोगी सावित जुगु दु। चिप जडान यायेधुकाः व स्वस्थ जुगु खः व चिपया ग्वाहालिं कम्प्युटर नाप ल्यापटप तक चले याःगु खः।

चीनया प्रविधि कम्पनी अलिबाबां जनरेटिभ च्याटबोट 'क्यूवेन्' सार्वजनिक यात



लहना वा:पौ/ चीनया प्रविधि कम्पनी अलिबाबां उपभोक्ताया नितीं न्हूगु अपग्रेड याःगु जनरेटिभ च्याटबोट 'क्यूवेन्' सार्वजनिक जुगु घोषणा याःगु दु। थुगु च्याटबोट उपभोक्तामुखी डिजाइन याःगु दुसा व्यक्तिगत ज्याय् ग्वाहालि जुइगु खँ धाःगु दु। क्यूवेन् नक्शा, खाना अर्डर, यात्रा, कार्यालय उपकरण, न्यायेगु मीगु व स्वास्थ्य सम्बन्धी ज्याय् उपयोगी जुइ।

थ्व अलिबाबाया लोकप्रिय खुला स्रोत एआई मोडेलय् आधारित खःसा हलिन्यकं करोडौं पटक डाउनलोड जुइ धुंकूगु दु। कम्पनीया कथं, थुगु च्याटबोट कम्पनीया तसकं लोकह्वाःगु खुल्ला स्रोत मोडेलय् आधारित खः।

थ्व हलियक ६० करोड स्वयां अप्वः डाउनलोड जुइ धुंकूगु दु। न्हूगु च्याटबोटपाखे व्यक्तिगत ज्याय् ग्वाहालि जुइ कथं न्ह्यब्वःगु दु।

फेब्रुअरीय् अलिबाबां वइगु स्वदँया दुने क्लाउड व एआई हार्डवेयर पूर्वाधार निर्माणय् ३८० अर्ब युआन (करिब ५३ अर्ब अमेरिकी डलर) लगानी यायेगु प्रतिबद्धता प्वंकूगु दु। चीनया डीपसीक नाप अलिबाबां न्हूगु क्यूवेन् ३-म्याक्स मोडेलं अन्तर्राष्ट्रिय मापदण्डय् शीर्ष थासय् दु। आः तक वैश्विक परीक्षणय्, क्यूवेन् न्हापागु थासय् व डीपसीक निगूगु थासय् दु।

वंगु डिसेम्बरय् डीपसीकया प्रभावशाली प्रवेश यायेधुकाः चीनया मेमेगु जनरेटिभ एआई कम्पनी किमी, फ़िपु एआई व मिनीम्याक्स थःथःगु खुल्ला स्रोत मोडेलपाखे प्रतिस्पर्धा यानाच्चंगु दु।

कम्पनीया रोडम्याप कथं 'क्यूवेन्' नं, न्हियान्हिथं ज्याय् वइगु नयेगु, नक्शा, यात्रा, कार्यालय उपकरण, न्यायेगु मीगु व स्वास्थ्य क्षेत्रय् समावेश यायेगु योजना दु।

सामसुडया न्यादँया दुने ३ खर्ब १० अर्ब अमेरिकी डलर लगानी याइगु

लहना वा:पौ/ दक्षिण कोरियाली प्राविधिक उत्पादन समूह (सामसुड) वइगु न्यादँया दुने ३ खर्ब १० अर्ब अमेरिकी डलर लगानी यायेगु योजना सार्वजनिक याःगु दु। थुगु एआई हलिन्यकं वःगु मागयात पूरा वंकेगु आज्जु तयातःगु दु। सामसुड इलेक्ट्रोनक्स न्हापा हे हलिन्यकं च्वंगु शीर्ष मेमोरी-चिप निर्माता मध्ये छगू खः। थुकिइ एआई उद्योग व थुकिइ निर्भर पूर्वाधारया नितीं महत्वपूर्ण चिप्स आपूर्तिकर्ता खः।

दक्षिण कोरिया विश्वव्यापी सेमिकन्डक्टर बजाःया मेगु प्रमुख प्रविधि उत्पादक एसके हाइनिक्स दुगु राष्ट्र नं खः। न्यादँया लगानी प्याकेजय् 'मेमोरी चिप्सया माग पूर्वके फइ' डिजाइन याःगु न्हूगु सेमिकन्डक्टर सुविधा (प्योडटेक प्लान्ट ५) निर्माण अप्वइ।

यायेगु योजना समावेश दुगु, धकाः सामसुड छगू विज्ञापित पिकया धाःगु दु। बालाक सञ्चालनय् वयेधुकाः प्योडटेक प्लान्ट विश्वव्यापी सेमिकन्डक्टर आपूर्ति श्रृंखला व दक्षिण कोरियां घरेलु चिप्स प्रणाली निगुलि हे अभ्र तःधंगु रणनीतिक भूमिका म्हितीगु अपेक्षा याःगु दु। न्हूगु सेवा २०२८ निसे सञ्चालन यायेगु योजना तयातःगु दु। कम्पनीं बिस्तृत विवरण सार्वजनिक मयासे धाःगु दु, 'सामसुड एसडीएस, समूहया आइटी व लजिस्टिक शाखां दक्षिण जियोला व गुमीइ निगु एआई डाटा सेन्टरया स्थापना याइ।' सामसुड इलेक्ट्रोनक्सल एआई-इन्धनया माग दूगु कारण स्वंगूगु त्रैमासिकय् थुकिइ नाफा न्हापांगु दँ स्वयां ३० प्रतिशत अप्वइ।

हरेक मंगलवाः

राष्ट्रियताको लागि समर्पित



मेरो साप्ताहिक

मेरो साप्ताहिक

Mero Saptahik

माला: माला: ब्वनादिसँ ।



Sweet Cave

(जीवन दाईया पसः)

Kalimati, Kathmandu, Nepal

Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस्।

आउटडोर भेज क्याटरिङ पनि गरिन्छ।

संकिपा विधेयकयात कया: सहलह



लहना वा:पौ/ संकिपाक:मितयूसं चलचित्र विकास बोर्डयात स्वतन्त्र व स्वायत्त दयेकेमा:गु खँय ब: बिउगु दु। राष्ट्रियसभाया विधायन व्यवस्थापन समितिया वंगु आइतवा: च्वंगु बैठकय् वय्क:पिसं लिपांगु ई संकिपा मनोरञ्जनया नाप नाप उद्योगया कथं स्थापित जगुलिं राज्यं वहे कथं प्राथमिकताय् तथेमा:गु बिचा: प्वकूगु ख:।

संकिपा निर्देशक केपी पाठक, प्याखंम्व:लिसें निर्माता खगेन्द्र

लामिछाने, चलचित्र पत्रकार संघया केन्द्रीय नाय: समिर बलामीपिसं नेपाली संकिपायात मेमेगु देय् नाप सम्झौता यायेगु नीति नाला कायेमा:गु बिचा: प्वकूगु ख:।

नेपा:या संकिपा जाँचबुझ समिति (सेन्सर बोर्ड) यातगु व अ:पूगु जुइमा:गु माग नं वय्क:पिसं यानादिल। पत्रकार बलामीया कथं लिपांगु ई संकिपालं राज्ययात बिइगु राजस्व अप्वया वंगु धयादिसें संकिपाया ख्यलय् राज्यया लगानी

मगा:गु धका: बिचा: प्वकादिल।

निर्माता संघया महासचिव नापं प्याखंम्व: लामिछाने मेमेगु देसय् व्यवसायया नितीं सम्झौता जुइगु दसि बियादिसें नेपालय् अज्या:गु कुत: जुइमा:गु खँय ब: बियादिल। चलचित्र नेपाल कलाकार संघया मोहन निरौलां चलचित्र विकास बोर्ड स्वायत्त कथं सञ्चालन जुइमा:गु धयादिल।

सहलह लिपा संकिपालिसे स्वापू दुगु गुंगू संस्था दयेकूगु प्रतिवेदन सभापति तुलसाकुमारी दाहालयात ल:ल्हा:गु दु। सभापति दाहालं ल:ल्हा:गु प्रतिवेदनय् मा:गु संशोधन याना: न्हयन्हुया दुने लिपांगु प्रतिवेदन ल:ल्हायेत इनाप यानादिल। वय्कलं विधान समितिइ मइसिर ९ गते निसें संकिपा विधेयकय् दफाबार सहलह जुइगु जानकारी नं बियादिल। वयां लिपा राष्ट्रियसभाय् विधेयक सहलह जुइगु जानकारी नं वय्कलं बियादिल। वय्कलं थुकिया दथुइ सरोकार दुपिं नाप छ्याताकया: संकिपाया हक अधिकार सम्बन्धी विधेयक दयेकेत समितिं ब: बिउगु खँ नं धयादिल।

लघुवित्त पीडितं पुसय् आन्दोलन याइगु

लहना वा:पौ/ वित्तिय शोषण विरुद्ध १ लाख पीडिततयूसं सतकय् कुहां वया: आन्दोलन याइगु जुगु दु।

संयुक्त जनअधिकर आन्दोलन नेपालया बागमती प्रदेश भेला लिसे प्रशिक्षण ज्याइवल्य उगु घोषणा या:गु ख:। नेपाल राष्ट्र बैंकया अनुमतिं चायेकूगु लघुवित्त संस्थातयूसं ग्रामीण क्षेत्रया सोझा सिदा मिसापित सशक्त दयेकेगु नारा बिया: आर्थिक शोषण या:गु धासें आन्दोलनय् कुहां वयेत्यगु ख:। बैंकं ५/६ प्रतिशत ब्याजय् ध्यबा कया: विपन्न नागरिकतयूत १६



निसें ३६ प्रतिशत ब्याजय् बिया: उमित उठिबास या:गु धासें आन्दोलनय् कुहां वयेत्यगु ख:।

लघुवित्तया त्यासाया कारण मिसातयूत यौन शोषण व हिंसा यायेगु

जक मखुसें आत्महत्याया लँपुइ वनेत बाध्य याकूगु, पारिवारिक विखण्डन लिसें सामाजिक वहिष्कारया शिकार जुइमा:गु धासें आन्दोलन विकल्प मदुगु खँ नं धा:गु दु।

पद्यगुरु पं निष्ठानन्द वज्राचार्यया बुदिं हन



लहना वा:पौ/गद्यगुरू पण्डित निष्ठानन्द वज्राचार्यया १६९ क्व:गु बुदिं हनेगु ज्याइव: नेवा: देय् दबू केन्द्रीय नाय: पवित्र वज्राचार्यया सभापतित्वय् जुल।

गद्यगुरू पं.निष्ठानन्द वज्राचार्यया बुदिंया लसताय् निष्ठानन्द स्मृति गुथि व ओलम्पस क्लया मंका: ग्वसालय् जूगु ज्याइवल्य आपालं नेपालभाषा सेवी व साहित्यकारपिसं वय्क:या इवाताय् स्वां देछायेगु ज्या जूगु ख:।

नेपालभाषाया प्यंग:थां मध्ये छग:

थां पण्डित निष्ठानन्द वज्राचार्य संस्कृत भाषां च्यात:गु बौद्ध ग्रन्थ ललित विस्तरयात नेवा:तय् बोलिचालीया

भाषां अनुवाद याना: सफू पिथनादीगु ख:। ज्याइवल्य नेपालभाषा एकेडेमिया चान्सलर मल्ल के. सुन्दरं निष्ठानन्द उगु सफू बोलीचालिया भासाय् महिउगु ख:सा उकियात नेवा:तयूसं ब्वने मखनीगु खँ धयादिल।

वय्कलं न्ववायेगु इवल्य परम्परागत रुपं न्ह्याना वयाच्वंगु ज्याखँय् न्हूगु पला: छीबलय् मछिं पह: जुयाच्वनीगु स्वभाविक जूगु खँ न्हयथँसे पं निष्ठानन्द वज्राचार्यया विरोध या:पिं दयेफूगु अनुमान यानादिल। ओलम्पस क्लवया न्वकु ज्योतिरत्न शाक्य ज्याइव: न्ह्याकादीगु ख:।

प्रचलित नेपाललिपिं पिहाँ वयाच्वंगु म्हसीका लय्पौ ब्वनादिसँ/ब्वंकादिसँ

ममीका लय्पौ

MHASIKA Monthly | म्हसीका मासिक

संसद ...

पार्टीतयूसं निर्वाचन आयोगय् पार्टी दर्ता यायेधुकूगु दुसा एमालें धा:सा दल दर्ता मया:सँ मुद्दाय् वनेगु तयारी यानाच्वंगु ख:। तर अथेख:सां नं वइगु माघ १२ गते जुइगु राष्ट्रियसभाया निर्वाचनया नितीं धा:सा एमालें दल दर्ता यायेधुकूगु दु।

फुककं धयाथें राजनीतिक पार्टीतयूसं निर्वाचनया विकल्प मदु धका: धयाच्वंगु अवस्थाय् एमालें नं निर्वाचनय् ब्वति काइगु सम्भावना दुगु खँ नं सूत्रं धा:गु दु। उकिया नितीं निगूगु तहया नेतृत्वं रणनीति दयेकेगु ज्या यानाच्वंगु दु।

निगूगु तहया नेतृत्वं वर्तमान अवस्थाय् एमालें यानाच्वंगु थीथी ज्याइव:यात आलोचना जक यानाच्वंगु मखुसें आक्रमण तकं जुयाच्वंगु अवस्थाय् प्रतिनिधिसभा पुनर्स्थापनाया नितीं सर्वोच्चय् वनेबलय् उकी पार्टीयात दीर्घकालीन लिचव: लाकेफइगु जुया: संयमित जुइत नं नेतातयूत दबाब बियाच्वंगु खँ नं सूत्रं धा:गु दु।

नेपालभाषा...

निर्वाचित जुयादीगु दुसा वयां लिउ बेखारत्न महर्जनं ४२५ मत कया: निर्वाचित जुयादीगु दु।

थुकथं हे मेपिं दुजलय् प्रेम महर्जन (चिरी), राजेन्द्र महर्जन, राजु ताम्राकार, रविन्द्र बाराही, न्हुछेमान महर्जन (कपुर), उकुलाल महर्जन व प्रविण महर्जन निर्वाचित जुयादीगु दु।

मंका: खल:या नायलय् निर्वाचित जुइधुंका: थ:गु न्हापांगु प्राथमिकता मंका: खल:या यलया भवन दयेकेगु खँ वय्कलं धयादीगु दु। लहना वा:पौ लिसे खँ ल्हायेगु इवल्य वय्कलं उगु खँ धयादीगु ख:। लिसें थीथी साहित्यकार पिनिगु सफू पिथनेगु, नेपालभाषा व लिपि स्यनेगु नं ज्या न्ह्याकेगु योजना दुगु खँ नं वय्कलं धयादिल।

लिसे वय्कलं नेपालभाषा ल्हाकेगु नितीं आन्दोलनया रुपय् न्ह्या: वनेगुया लिसे नेपालभाषा ब्वंकेगु नितीं शिक्षकतयूत तालिम बीगु योजना दुगु खँ नं कनादीगु दु।

काठमाडौं महानगरपालिका ११ वडा कार्यालयको अनुरोध

- महानगरपालिकालाई तिर्न बुझाँउन पर्ने सम्पत्ती कर, व्यवसाय कर, बहालकर लगायतका अन्य करहरु समयमा नै सम्बन्धित वडा कार्यालयमा बुझाइ दण्ड जरिवानाबाट बचौं।
- व्यक्तिगत घटना (जन्म, मृत्यु, विवाह, बसाइसराइ र सम्बन्धविच्छेद) दर्ता जस्ता घटना दर्ता ३५ दिनभित्र दर्ता गराऔं।
- आ-आफ्नो टोल सफा राखौं। स्वच्छ शान्त वातावरण कायम गर्न प्रयास गरौं।
- स्वास्थ्य संस्थामा नवजात शिशुलाई लगेर समयमा नै नियमित रुपमा खोप लगाई बाल मृत्युदर घटाऔं।
- ११ वडा स्वास्थ्य प्रवर्द्धन केन्द्रमा आइ नियमित स्वास्थ्य चेकजाँच तथा उपचार गराऔं।



हिरालाल तण्डुकार

वडा अध्यक्ष
काठमाडौं महानगरपालिका ११ वडा परिवार
११ वडा कार्यालय, बबरमहल, काठमाडौं।

भर्ना चाल नेपालभाषा M.A.



नेपालभाषा M.A. ब्वनादिसँ। ब्वंकादिसँ। मां दुतिना स्वापू

नेसं ११४६ थिंलागा ९ तक
(२०८२ मंसिर २७ गतेतक)
निदुग दस्तुर
नेसं ११४६ थिंलागा १४ तक
(२०८२ पौष ३ गतेतक)

डा. राजनलाल जोशी
९८४३६१७६१९
जीवनकुमार महर्जन
९८४१७९७०३८
दिपक संजेल
९८५१०९१५१७

त्रिवि, नेपालभाषा केन्द्रीय विभाग

पाटन संयुक्त क्याम्पस परिसर, यलध्वारखा, यल

छुं नं विषयलय् स्नातक यानादीधुकूपिन्सं नां दुतिने फइ।



रत्नकीर्ति महाविहार मखं बहाल्य जूगु मंकाः इहि ज्याइवः :
रत्नकीर्ति महाविहार मखं बहाःया ग्वसाल्य थ्वहे थिलाथ्व पारु व दुतिया
(मंसिर ५ व ६ गते) निन्हुयंक इही ज्याइवः जुल । किरपा : नविन सिंह

सडक दुर्घटनाबाट बचाऔं र बचाऔं ।

- सवारी साधन चलाउँदा सावधानी अपनाऔं,
- ट्राफिक नियम पालना गरौं,
- तीव्र गतिमा सवारी साधन नचलाऔं,
- मद्यपान तथा लागु पदार्थ सेवन गरेर सवारी साधन नचलाऔं,
- सवारी चालकले मद्यपान तथा लागु पदार्थ सेवन गरेको शंका लागेमा तत्काल प्रहरीलाई खबर गरौं,
- पैदल यात्रुले बाटो काट्दा जेब्राक्रस वा आकाशे पुलको प्रयोग गरौं,
- सवारी चालकले सिटबेल्ट, हेलमेट अनिवार्य प्रयोग गरौं,
- सवारी साधन नियमित मर्मतसम्भार गरौं,
- दुर्घटना भएमा तुरुन्त प्रहरी वा स्वास्थ्य संस्थामा सम्पर्क गरौं।

सावधानी अपनाऔं, जीवनलाई सुरक्षित बनाऔं ।



नेपाल सरकार

विज्ञापन बोर्ड

दुनुगलंनिसैं बिचाः हायेका



बुदिं :
वि.सं. १९९८/०६/१०

मदुगु दिं :
वि.सं. २०८२/०६/३१

स्व. पुष्प हरि जोशी

यल नुगः लुँहिति धालाछैं जोशी खलःया पुर्वज **स्व. कृष्णलाल**

जोशी (काल साहु) या कान्छाम्ह छय् नापं

‘जोशी निजी भिन्धः गुठी’ हेटौंडाया दुजः

पुष्प हरि जोशी

२०८२ आश्विन ३१ गते स्वर्गारोहण जूगुलिं

थ्व हे मंसिर १४ गते लाःगु लत्याया पुण्यतिथिस

बैकुण्ठबास लाय्मा अले छैंजःपिन्त अपूरणीय क्षति जूगुलिं

धैर्य धारण याय् फय्मा धइगु मनंतुसैं

दुनुगलंनिसैं बिचाः हाय्का च्वना ।

जोशी निजी भिन्धो गुठी, हेटौंडा

नारायण हरि जोशी, रुद्र हरि जोशी, भिम हरि जोशी

व सकल जोशी परिवार

यल, धालाछैं ।

छत्रपाटी निःशुल्क चिकित्सालय (अस्पताल)

“स्त्रीय शूलभ स्वास्थ्य सेवा सकसिया मिति, असहायता मिति जक निःशुल्क”

उपलब्ध सेवा	शल्यक्रिया	बहिरङ्ग सेवा	मेमेन्तु सेवा
- इमरजेन्सी - प्याथोलोजी - एक्स रे - ई.सी.जी. - जीपथि परख - जन्मरंग सेवा - सिटी स्नयान	- गोतिबिन्नु - ज्वरक हठरी - माक काक घोट्टी सम्बन्धि - हाड्गोली तथा नख सम्बन्धि - बिना विरधार पिशाक नलीको पत्तर सम्बन्धि	- मुटु रोग - पेट रोग - मुटुकोषको - स्त्री रोग - बाल रोग - ज्वररोग - अर्बि रोग - ज्वररोग मेडिसिन - थर्म तथा वीर रोग - माक काक घोट्टी रोग - ज्वररोग हन्त रोग अथ - नाइरोटिड - मधुमेह	- ड्रेसिङ - इन्फेक्शन्कोपी - कोलोनास्कोपी - किजियोवेरापी - जलुआउपट्ट, क्लर टुप्पर र डुको - दुरोगेनी स्तरको इन्त प्रयोगवाला - टि.एम.टि. हल्टर

२४ घण्टा

इमरजेन्सी सेवा

७०६ गंगालाल मार्ग, छत्रपाटी, काठमाडौं, फोन: ५३१६१३६, ५३५७९११, ५३६६२२९